

故宮博物院藏

四庫全書
撤出本
彙編

第三冊

故宮博物院編
故宮出版社

故宮博物院藏

四庫

全書

撤出本

彙編

第三冊

故宮博物院編
故宮出版社

第三册 目錄

南北史合注卷十三—卷十八

卷十三		一
卷十四		三七
卷十五		一三三
卷十六		二三五
卷十七		三一五
卷十八		四〇三

欽定四庫全書

南北史合注卷十三

明 李清 撰

南史十三

列傳第二

后妃下

梁武帝母張太后

武帝郗皇后

丁貴嬪

阮脩容

簡文王皇后

少主張后



孝元徐妃

敬帝母夏太后

王皇后

昭明蔡皇后

宣帝母龔太后

王皇后

孝明母曹太妃

后缺

陳武帝章皇后

文帝沈皇后

廢帝王皇后

宣帝柳皇后

後主沈皇后

張貴妃

梁文獻張太后諱尚柔范陽方城人父穆之娶文帝從姑而生后后以宋元嘉中嬪于文帝生長沙王懿永陽

王敷次生武帝方孕忽見庭前菖蒲花光采非常驚報侍者皆云不見后曰常聞見是花當富貴因取吞之是月生武帝

冊府元龜曰南齊有御史黃文濟其家齋前種菖蒲忽生花光影照壁成五彩其兒見之餘人不見少時文濟被殺愚按是花之開其妖祥不常如此故附錄于後以戒世之不脩德而譚瑞者

將產夕后見庭內若有衣冠陪列次生衡陽王暢義興

長公主令嫗后宋秦始七年殂于秣陵縣同夏里舍葬
晉陵武進縣東城里山天監元年五月甲辰追上尊號
為皇后諡文獻父穆之晉司空華六世孫少方雅有識
鑒初為員外散騎侍郎深被始興王濬引納穆之鑒其
禍萌求外出為交趾太守政有異績宋文帝將以為交
州刺史會病卒梁武踐祚追贈穆之光祿大夫加金章
紫綬穆之及孫而絕從父弟弘策以子纘嗣別有傳
武德郡皇后諱徽高平金鄉人父曇太子舍人早卒后

母宋文帝女尋陽公主方娠夢當生貴子及后生有赤
光照室器物盡明家人怪之巫言此女光高將有所妨
乃于水濱祓除之后幼明慧善隸書讀史傳女工無不
閑習宋後廢帝將納為后齊初安陸王緬又欲結婚郗
氏並辭以女疾乃止齊建元末嬪于武帝生永興公主
王姚永世公主王婉永康公主王環及武帝為雍州刺
史殂于襄陽官舍年三十二其年歸葬武進縣東城里
山中興二年武帝為梁公詔贈后為梁公妃及踐阼追

崇為皇后諡曰德陵曰脩陵后父曷贈金紫光祿大夫
后酷妬及終化為龍

愚按郝之妬安能化龍想當時諱言蛇耳

入後宮通夢于帝或見形光彩照灼帝體將不安龍輒
激水騰涌于露井上為殿衣服委積常置銀鹿盧金瓶
灌百味以祀之故帝卒不置后

武丁貴嬪諱令光譙國人祖父從官襄陽因居沔北五
女村寓居劉惠明廡下貴嬪生于樊城初產有神光之

異紫氣滿室故以光為名相者云當大貴少時與鄰女
月下紡績諸女並患蚊蚋獨貴嬪弗覺鄉人魏益德將
聘之未及成而武帝鎮樊城嘗登樓望見漢濱五采如
龍下有女子擘紉則貴嬪也丁氏因以相者言帝帝贈
以金環納之時年十四貴嬪生有赤痣在左臂療之不
減又體多疣子無何並失所在德后酷忌遇貴嬪無道
使日舂五斛舂每中程若有助者被遇雖嚴益小心祇
敬嘗於供養經案側髣髴若見神人獨異之貴嬪生昭

明簡文廬陵王天監元年五月有司奏為貴人未拜其
年八月又奏初貴嬪居顯陽殿及太子定位有司奏曰
皇太子副貳宸極率土咸執吏禮既盡禮皇儲則所生
不容無敬王侯妃主常得通信問者及六宮三夫人雖
與貴嬪同列並應以敬皇太子禮敬貴嬪宋元喜中始
興武陵國臣並敬王所生潘淑妃路淑媛貴嬪于宮臣
雖非小君其義不異與宋泰豫朝議百官以吏敬敬帝
所生事義政同謂宮僚施敬宜同吏禮詣神虎門奉牋

致謁年節稱慶亦同且儲妃作配率由盛則以婦踰姑
彌乖從序謂貴嬪典章一與太子不異于是貴嬪備典
章禮數同太子言則稱令貴嬪性仁恕及居宮接馭自
下皆得其歡心器服無珍麗未嘗為親戚私謁及武帝
弘佛教貴嬪常進蔬膳受戒日甘露降殿前方一丈五
尺帝所立義皆得其指歸尤精淨名經普通七年十一
月庚辰薨移殯東宮臨雲殿年四十二詔吏部郎張纘
為哀冊文

梁書載辭曰軒緯之精江漢之英歸與君袂生此離
明誕自厥初時維載育樞電繞郊神光照屋爰及待
年含章早穆聲被洽陽譽宣中谷龍德在田聿恭茲
祀陰化代終王風攸始動容詔式出言顧史宜其家
人刑于國紀膺斯眷命從此宅心狄綴采珎珮動雅
音日中思戒月滿懷箴如何不跼天高照臨玄統莫
修禕章早缺成物誰能芳猷有烈素魄貞明紫宮炤
晰逮下靡傷思賢罔蔽躬儉則節昭事惟虔金玉無

玩篚筥不捐祥流德化慶表親賢甄昌軌啟孕魯陶
燕方論婦教明章閨席玄池早扃湘沅已窆展衣委
華朱幘寢迹慕結儲闈哀深藩辟嗚呼哀哉命龜兆
良祿引遷祖具僚次列承華接武日杳杳以霾春風
淒淒而結緒去曾掖以依遲飾新宮而延佇嗚呼哀
哉啟丹旗之星旆振容車之黼裳擬靈金而鬱楚泛
淒管而凝傷遺備物手營寢掩重閣于室皇極風暖
兮猶昔蘭殿幽而不陽嗚呼哀哉側闈高義彤管有

懌道變虞風功參唐跡婉如之人休光赤舄施諸天地而無朝夕嗚呼哀哉

有司奏諡曰穆葬寧陵祔于小廟簡文即位追崇曰太后貴嬪父道遷天監初為歷陽太守廬陵王生帝謂之曰賢女復育一男答曰莫道猪狗子世以為美後位兗州刺史宣城太守

文宣阮太后諱令羸會稽餘姚人本姓石初為齊始安王遙光所納遙光敗入東昏宮建康城平為武帝采女

在孕夢龍罩其牀尺監六年八月生孝元于後宮是日
大赦尋拜為脩容賜姓阮氏嘗隨孝元出藩大同六年
六月薨于江州正寢年六十七其年十一月歸葬江寧
縣通望山謚曰宣孝元即位有司奏追崇為文宣太后
還祔小廟承聖二年追贈太后父齊故奉朝請石靈寶
散騎常侍左衛將軍封武康縣侯母陳氏武康侯夫人
簡文王皇后諱靈賓瑯邪臨沂人祖儉齊太尉南昌文
憲公父騫金紫光祿大夫南昌安侯后幼而柔明叔父

陳見之曰吾家女師也天監十一年拜晉安王妃生哀
太子大器南郡王大連長山公主妙碧大通三年十月
拜皇太子妃太清三年三月薨于永福省年四十五其
年簡文即位追崇為皇后諡曰簡大寶元年九月葬莊
陵

少主張皇后為豫章王妃王即位立為皇后後不知所
終

孝元帝徐妃諱昭佩東海郟人祖孝嗣齊太尉枝江文